

Headline	Adun PAN `kutip` maklumat tepi jalan		
MediaTitle	Harakah		
Date	27 Nov 2017	Color	Full Color
Section	General News	Circulation	50,000
Page No	N12	Readership	150,000
Language	Malay	ArticleSize	183 cm <sup>2</sup>
Journalist	SALMAH MAT HUSAIN	AdValue	RM 1,526
Frequency	Twice in a Week	PR Value	RM 4,578



## Adun PAN 'kutip' maklumat tepi jalan

Oleh SALMAH MAT HUSAIN

**KOTA BHARU:** Kerajaan negeri menyifatkan Adun Parti Amanah Negara (PAN) Salor mengutip maklumat di tepi jalan sehingga tersasar jauh daripada apa yang sebenar berlaku.

Dato' Husam Musa ketika membahas Bajet Kelantan 2018 pada persidangan Dun Selasa lepas mendakwa kerajaan negeri melulus tanah seluas 20,000 ekar kepada satu syarikat untuk tanaman kayu putih.

Sedangkan apa yang sebenar berlaku Kompleks Perkayuan Kelantan (KPK) melulus 100 ekar sahaja kepada syarikat terbabit sebagai projek percubaan.

Timbalan Menteri Besar, Dato' Mohd' Amar Abdullah berkata, cadangan pro-



**Mohd Amar Abdullah**

jek berkenaan dibuat pada 2012, di mana wakil Syarikat Weststar membuat taklimat kepada mantan menteri besar Allahyarham Tuan Guru Dato' Nik Abdul Aziz Nik Mat.

Katanya, kerajaan negeri bersetuju dengan ber-

syarat bagi mengurangkan penebangan pokok-pokok balak.

"Pada dasar dipersetujui kerajaan negeri lulus 5,000 ekar dengan syarat dibuat dengan usaha sama Perbadanan Pembangunan Ladang Rakyat," katanya pada persidangan Dun Rabu lepas.

Katanya beliau turut mengadakan lawatan ke Wilayah Guang Xi, Nanning China untuk melihat projek yang diusahakan syarikat terbabit.

Rombongan tersebut turut disertai pegawai Jabatan Perhutanan Semenanjung, Jabatan Hutan Kelantan, FRIM dan Institut Hutan Tropika UPM.

Beliau berkata, pakar yang menyertai lawatan tersebut memberi panda-

ngan yang positif dan menyokong tanaman pokok kayu putih.

"Kerajaan negeri juga bersetuju kerana projek itu dapat mengatasi tebanan balak. Kita tidak bergantung lagi kepada pokok balak biasa. "Keperluan kayu dapat dipenuhi ladang tersebut kerana lebih baik daripada ladang getah klon balak kerana tempoh tebanan lebih singkat," katanya.

Mohd Amar juga menafikan dakwaan Adun PAN terbabit yang memberi gambaran pokok kayu putih menyerap begitu banyak air.

Menurut beliau berdasar kajian di Nanning, China penyerapan air oleh pokok tersebut lebih sedikit iaitu 306 liter air berbanding jagung menyerap 1,000 liter air.